

## **Te Whakamāramatanga o te Whakaaetanga Whakaū**

Ko tēnei mea te whakaaetanga whakaū ko te whakatau mōhio, tūao, ngākau kotahi a ngā kaiwhaiwāhi katoa ki te onioni. Ka taea te whakaaetanga whakaū mā te kupu, mā te mahi rānei, ina waihangā aua kupu, mahi rānei i te whakaaetanga mārama e hiahia ana ngā kaiwhaiwāhi ki te onioni. Kāore te whakangū anō, te kore ātete anō rānei e whakaatu i te whakaaetanga. Kāore te whakamāramatanga o te whakaaetanga e taurangi i runga anō i te ira tangata, tuakiri hōkakatanga, ritenga hōkakatanga rānei o te kaiwhaiwāhi.

Kāore te whakaaetanga ki tētahi momo oni, kāore te whakaaetanga ki tētahi mahi oni o mua rānei, me tētahi atu e whakaatu anō i te whakaaetanga ki tētahi atu momo oni.

Kei te hiahia te whakaaetanga ahakoa e pāngia ana te tangata e tīmata ana i te mahi e ngā kai whakapōauau, e te waipiro hoki/rānei.

Ahakoa kua whakaaetia te mahi oni i te tīmatanga, ka taea taua whakaaetanga te kounu i tētahi wā.

Kāore e taea te whakaaetanga ina ngoikore te tangata. Ka puta tēnei ina kāore i te tangata te āhehi ki te kōwhiri ki te uru i runga i te mōhio ki tētahi mahi oni. Ko ngā pūtaka pea o taua ngoikoretanga ko te mauri moe, te moe rānei, te whakaita whakatohetohe i te tangata, te āhuatanga rānei e kore ai e taea e tētahi te hoatu whakaaetanga. I runga anō i te kaha haurangi, ka ngoikore pea tētahi e pāngia ana e te waipiro, e te kai whakapōauau, e tētahi atu matū whakahaurangi rānei, ka mutu, kāore e taea te hoatu whakaaetanga.

Kāore e taea te hoatu whakaaetanga ina koia te mutunga iho o te uruhi, te whakamataku, te pākaha, te tuma ki te tūkino rānei.

Ina kounuhia te whakaaetanga, kāore e taea rānei te hoatu, me mutu rawa te mahi oni.

## **Te Wā Whakawāteatanga i ngā Whakapae Whakamahi Kai Whakapōauau me te Waipiro**

Kei runga rawa te hauora me te haumarua o ia ākonga i Rockland Community College. Ka āhukahuka a RCC ka matawaenga pea ngā ākonga e inu waipiro ana, e kai ana i ngā kai whakapōauau hoki/rānei (ahakoa he tūao, he whakatohetohe rānei taua whakamahi) i te wā i puta mai te whakarekereke, tae atu engari kāore e herea ana ki te whakarekereke ā-whare, te whakarekereke whakaipo, te whakamokamoka, te koeretanga rānei, ki te pūrongo i aua mahi nā te matakū ki ngā mutunga iho ka whakatauria pea ki ā rātou anō whanonga. He kaha tā RCC whakatenatena i ngā ākonga ki te pūrongo i te whakarekereke ā-whare, te whakarekereke whakaipo, te whakamokamoka, te koeretanga rānei, ki ngā āpiha o te pūtahitanga. E kore e noho tētahi kaikite mata e mahi ana i runga i te ngākau pono ka whāki i tētahi mahi whakarekereke ā-whare, te whakarekereke whakaipo, te whakamokamoka, te koeretanga rānei ki ngā āpiha, pirihihana rānei nō RCC i raro i ngā ture whanonga a RCC's mō ngā takahitanga o ngā kaupapa here inu waipiro me te kai i ngā kai whakapōauau i taka i te wā, tata ki te wā rānei, i mahia ai te whakarekereke ā-whare, te whakarekereke whakaipo, te whakamokamoka, te koeretanga rānei.

## **Te Pire Motika mō ngā Ākonga**

He motika tō ngā ākonga katoa:

Ki te tuku pūrongo ki ngā pirihihana o te takiwā, ki ngā pirihihana o te whenua hoki/rānei;

Ki te tūmanako ka āta tiroirohia ngā whākinga o te whakarekerekere ā-whare, te whakarekerekere whakaipo, te whakamokamoka, me te koeretanga rānei;

Ki te whakatau ki te whāki, ki te kore whāki rānei, i tētahi mahi taihara, takahitanga rānei, me te whai wāhi ki te tukanga ture, tukanga whanonga rānei, te tukanga ture taihara hoki/rānei me te kore e pēhia e te pūtahitanga;

Ki te whai wāhi ki tētahi tukanga tuwhera me te tōkeke ka whakarato i te mōhiotanga moata me te whai wāhitanga whaitake kia āta rangona ai;

Kia whakarangatiratia me te whiwhi i te tiaki hauora me ngā ratonga tohutohu he mea hūmārie, tōkeke, whakaute anō hoki, ina wātea;

Kia wātea i te huatau kei te tangata tuku pūrongo te hē ina mahia aua taihara me aua takahitanga, tērā rānei me rerekē āna mahi ki te papare i aua taihara, takahitanga rānei;

Ki te whakaahua i te mahi ki te tokoiti ka taea o ngā māngai nō te pūtahitanga, me te kore e herea ki te whakaahua anō i te mahi mō te kore noa iho.

Kia parea e te rautipu nā te pūtahitanga, nā tētahi ākongā, nā te tangata ka whakatuakina ki te taihara, nā te kaiwhakahē hoki/rānei, nā ō rātou hoa, whānau hoki/rānei i roto i te mana whakahaere o te pūtahitanga;

Kia āhei ki tētahi taumata pīra ki tētahi whakatau ā-ture;

Ki te whai kaitohutohu nāna anō i kōwhiri ka āwhina me te tohutohu i tētahi tangata tuku pūrongo, tētahi kua whakatuakina ki te taihara, tētahi kaiwhakahē rānei puta noa i te tukanga ā-ture, ā-whanonga rānei, tae atu ki ngā huinga me ngā whakawā katoa e pā ana ki taua tukanga;

Ki te whakatinana i ngā motika ā-iwi me ngā ritenga whakapono me te kore whakararururutanga a te tukanga whakatewhatewha, ture taihara, whanonga rānei o te pūtahitanga.

Ka hāngai ngā motika ahakoa te matawaka, te tae, te whenua tipu, te hāhi, te whakapono, te pakeke, te hauātanga, te ira tangata, tuakiri hōkakatanga, ritenga hōkakatanga rānei, tūnga ā-whānau, hapūtanga, ngā āhuatanga iranga e herea ai, te tūnga ope taua, te tūnga hei pūrure o te whakarekerekere ā-whare, te whiui taihara rānei, ahakoa rānei i mahia te mahi taihara, takahitanga rānei i te whenua o te pūtahitanga, i waho i te pūtahitanga, ina ako i tāwāhi rānei.

He motika tōu ki te tuku pūrongo ki ngā Pirimana, ngā Kaupare Māhie rānei o te Whare Wānanga, ngā pirimana o te takiwā, ngā Pirihihana ā-Whenua, kia kowhiri hoki kia kaua e pūrongo; ki te pūrongo i te mahi ki tō pūtahitanga; kia parea e te pūtahitanga i te rautipu ka puta i tō pūrongo i taua mahi; kia te whiwhi āwhina me ngā rauemi i tō pūtahitanga.